

漁洋山人精華錄

漁洋山人
精華錄

四部叢刊初編集部

上海商務印書館
縮印林佶寫刻本

萬曆庚戌之歲偕余舉南宮者闕西文太青新城王季木竟陵鍾伯敬皆雄駿君子掉鞅詞壇太青博而與季木膽而肆踔厲風發大放厥詞太青贈季木曰元美吾兼愛空同爾獨師蓋其宗法如此而伯敬以幽閒隱秀之致標致詩歸窺易時人之耳目迄於今軫材諷說簞弄研削莫不援引鍾譚與王季徐袁公茅設藪而闢西新城之集孤行秦齊間江表之士莫有過而問者三子之才力伯仲之間耳而身後之名飛沈迴絕殆亦有幸不幸焉千秋萬歲古人所以深歎於寂寞也季木歿三十餘年從孫貽上復以詩名鵲起閩人林古度論次其集推季木為先河謂家學門風淵源有自新城之壇墀大振於聲銷灰燼之餘而竟陵之光皎燿矣余蓋為之撫琴太息知文苑之乘除有劫運參錯其間殆亦可以觀天咫也嗟乎詩道淪胥浮偽並作其大端有二學古而廣者影掠滄溟弁山之騰語尺寸比擬此屈步之蟲尋條失枝者也師心而妄者懲創品彙詩歸之流弊眩運掉舉此牛羊之眼但見方隅者也之二人者其持論區以別矣不知古學之繇來而勇於自是輕於侮昔則亦同歸於狂易而已貽上之詩文繁理富銜華佩實感時之作惻愴於杜陵緣情之什纏綿於義山其談藝四言曰典曰遠曰諧曰則沿波討源平原之遺則也截斷衆流杼山之微言也別裁偽體轉益多師草堂之金丹

大藥也平心易氣耽思旁訊深知古學之繇來而於前二人者之為皆能汰其癥結拔除其嘈囂思深裁小雅之復作也微斯人其誰與歸貽上以余為孤竹之老馬過而問道于余余遂趣舉其質言以為叙往余嘗與太青季木論文東闕下勸其追溯古學毋沿洄於今學而不知返太青喟然謂季木曰虞山之言是也顧我老不能用耳今二子墓木已拱聲塵蔑如余八十昏忘值貽上代興之日向之鏃礪知已用古學勸勉者今得於身親見之豈不有厚幸哉書之以慶余之遭也虞山蒙叟錢謙益序

古詩一首贈王貽上

謙益

風輪持大地擊颺為風謠吹萬肇運古磨歌暢唐姚朱絃記漢魏麗藻沿六朝有唐盛詞賦貞符彙元包百靈馳驅使萬象窮鏤雕千燈成一光異曲皆同調彼哉談議者穿穴紛科條初盛別中晚畫地成犴牢妙悟掠影譬指注闕簾毫釐天醺難覆井月癡猿號化為劣詩魔飛精入府焦窮老蔽都屋不得瞻汰寥正始日以遠詞苑禱芳苗獻吉才雄驚學杜鋪醅糟仲默俊逸人放言歡謝陶考辭驚嘈囂懷響歸浮漂江河久雍決屢滴亦騰躍么絃取偏張苦調搜啁噍鳥空而鼠即厥咎為詩詆喪亂亦云癡詩病不可瘳譬彼膏肓疾傳染非一朝嗚呼杜與韓萬古垂斗杓

北征南山詩泰華爭嵒堯流傳到於今不得免傲朝
况乃唐後人嘒黠誰能跳窮子抵尺璧凍人裂復陶
熠燿點須彌可為渠畧標昌黎笑羣兒少陵訶汝曹
嗟我老無力掩耳任叫呶王君起東海七葉光漢紹
騏驎奮蹴踏萬馬暗不驕識字幽雅故審樂辨蕭韶
落紙為歌詩絳雲卷青霄白顧骨骼馬創殘卧東郊
敢云老識路昏忘慙招邀河源出星海東流日滔滔
誰蹠巨靈掌一手堙崩濤古學喪根幹流俗沸蟾蜍
偽體不別裁何以親風騷珠林既深深玉河復迢迢
方當剪榛桔未可榮蘭茝瓦釜正雷鳴君其信所操
勿以獨角麟媲彼萬牛毛伊余久歸佛繡經守僧寮
振觸為此詩狂言放調刁無乃禪病發放筆自抑搔
起挑常明燈懺除坐寒宵

漁洋山人精華錄



漁洋山人

方弓厚所植虛以冥其迹
納衆派而洪纖不遺冠羣
言而聚精成浹身著朝衫
頭戴笠孟縣眉山共標格
三百年來無此客宛陵梅庚

卷一

古體詩

卷二

古體詩

卷三

古體詩

卷四

古體詩

卷五

今體詩

卷六

今體詩

卷七

今體詩

卷八

今體詩

卷九

今體詩

卷十

今體詩

古體詩

對酒

對酒歌慨慷自我屬有生共得睹太平皇帝陛下惟樂
康官府治丞相無私人諸諫官彈射竊意咸有直聲自
中丞刺史良二千石各有廉名日南文趾皆我郡縣
蠻夷君長以時稽首殿庭屬國具為令文笥生翠來王
京幸太學三老而五更遂賜民爵一級存問長老遣都
吏循行大酺十日除官刑美人曼壽百室豐盈

慕容垂歌 三解

慕容初入鄴已有虎狼志前驅丁零部後面鮮卑騎
燕燕尾涎涎飛飛啄塘蒲三原隔五峻緩急當奈何
慕容在何許已度涼馬臺饑鷹掣韝絛一逝不復歸

白紵詞三首

江南煙水多白鳧羣飛啞啞煙際呼美人窈窕為君娛
蜀羅吳縠曳華裾修眉星的妍且都明鑾遙映丹脣朱
清歌錯落大小珠折腰沔沔意態殊乍進欲退心躊躇
芙蓉灼灼迴雙趺仙珮丁丁鳴六銖燭殘月暗漏滴壺
宛轉為君開繡襦

青春遙夜開華堂綺羅絃管東西廂阿誰公子淮南王
美人家本邯鄲倡合蟬隔馬耀明粧起舞為君陳樂方
翠曾參差烟際翔鸞驚龍婉相頡頏西城北里各擅場

羅裏文巾紛御香明眸善睐含流光舞罷雲中孤月涼
若耶溪水勝瀟湘越川佚女春浣香織成白紵冰雪光
上為舞衣下舞裳大秦珍珠明月璫崑山玉撥映金梁
齊琴趙瑟聲鏘鏘七聲妙舞紛相當須臾壁月沉西方
汝南鳴雞啼曉霜今我不樂去日長裴回念此摧中腸
翡翠幄陳高堂請君安坐樂未央

擬美女篇

洛濱風日好美女出相望瑤象飾香轡玉軼鳴鏘鏘采
春蘭阪上珥蓋蘅臯倚龍輔節纖步驚珠結明璫借問
女誰氏少小生平陽大姊入後宮次姊瑯琊王小妹雖
不貴夫婿直東箱出入冠駿驥天子侍中郎檻衣萬錦
費驪褭千金裝容華誠自惜貴盛寧易詳洛水正微波
明瀾一何長川路西南永扁舟不可方寄語盛年子顧
義慎自防

擬白馬篇

駿馬生代北少年出幽并結束各光采拍顧風雲生朝
遊屬玉觀夕宿衛承明身逐孤兒隊名隸羽林兵行行
南山獵意氣何縱橫蒼隼決雲來飛矢逆風鳴大澤鷗
鵠道深雪狐兔驚迴瞻鸛雀門突兀與雲平鞍馬倏來
歸勢若浮烟輕昨夜羽書至貳師出邊庭上馬別妻子
鳴鏘追前旌舊隨冠軍伍復此河源行大漠少行人深
谷多鼙鼓朝飲沙上泉夕戍雲間城左顧疏勒服右睇

伊吾清無今都護將關外獨聲名

自石楠尋黛溪遂至摩訶峯下

日落山氣涼清流自迴轉窮源不知勞漸忘溪路遠幽
石各奔峭修樹亦婉孌遙睇徑難測迴瞻途屢變窅歷
衆山響蕭條晚風善微徑暮樵出懸崖歸鳥見須臾夕
霏收殘陽四山徧新月忽清揚餘霞自舒卷稍覺葛衣
輕幸藉孤筇健平生丘壑人茲言庶能踐

由柳菴踰西山最高頂至醴泉寺拜范祠

清境難久留中旦戒徒御引領睇前峯抗策辭東路數
武即嶇嶇危蹊少安步顧盼見百里雲日媚烟樹憑高
俯澄湖風帆競孤鶩晴旭移峯巔明晦變已屢褰衣入
空翠溪流渺南注慘疎曠遊眺蒼茫失昏曙東山清風
來西澗涼雨度澄潭益蕭瑟游鱗紛散聚前賢跡已遠
山川緬猶故風昔思古人三歎讀書處

醴泉謁誌公像觀唐碑

碑開元三年乙卯立

早讀神僧傳緬希誌公迹劍水蹤已遠鍾山事成昔豈
知常白峯留此千年石鳥爪帶銅綠鏡面瑩蘚碧磨滅
開元碑蟲鳥紛難譯披羅完遺文剝苔理殘畫斷關發
聞見樵牧增歎惜陸銘地寒冢王碑委荒僻廬陵傲珠
犀東武比博奕淪棄多名珍何憚窮鉤索一勺醴泉冰
供此風雨夕

醴泉寺高閣瞻眺有懷范文正公

風雨湖上來蕭條灑飛閣啟雷起蒼際極目窮寥廓遙
天壓煙水空濛氣磅礴大澤盤蛟龍斜風偃鵬鴉卻眺
鴻濛中日光遠迴錯草木暗四山急淙鳴萬壑悵然思
古人大雅何時作

書堂

絕澗已千仞磴道仍九盤直上若懸溜纏屬勢難安右
顧踐痕跡左顧憑鳥輪日落空山中蕭然風氣寒精舍
壁間出洞門天際看奇石壓巖戶孤立何巔突兀拔
湖底窈窕凌雲端入門度飛梁俯夕聞驚濤幽軒宛初
構几榻皆峯巒頗意雷雨時雲氣生戶間諸天發鐘磬
星斗方闌干惆悵此靈境畢然懷懶殘

復雨

花枝濛濛日將暮庭庭涼颼起庭樹雨脚射地晝陰晦
急溜鳴簷不知數連年左輔嗟大無有蜚多廢仍屢書
良民重累背鄉縣奸民攻剽成萑苻天南干戈未寧息
男罷農耕女廢織長沙江中多戰船祝融峰頭尚兵革
羽書日曰下山東秭秭轉輪動千億苦竹黃楓猿晝啼
舟子征人少顏色樞冢鑄幣既不能展轉呼天猶力穡
今年稍稍宜雨暘黍稷撲撲稻葉長長官鞭朴那敢避
努力公家輸酒漿

和窟室畫松歌

黃門園中有窟室背枕亞標名臨滄溟石壁磊砢一千

丈入眼髣髴生精靈橫壁老松誰所作海風怒攫山欲
傾盛陰五月凜霜雪怒姿萬變盤雷震疑是溟渤含日
氣不然天上來星精我來盛夏變冬序白晝慘淡生晦
冥顛毛亂指舌上播寒肌起栗心骨驚上下蒼茫有神
鬼左右騰跳飛颺颺江南吳生昔為此一下筆皆龍
形昔者吳道子畫壁天宮寺將軍劍舞何蔚跂興酣筆
落氣磅礴萬夫動色嗟神異吳生畫松已百載鐵絛霜
皮終不改南榮曝背亦吾儔偃蹇龍鱗好相待

蠡勺亭觀海

登高丘而望遠海坐見萬里之波濤長天寥廓雲景異
春陰偃蹇魚龍高怒潮乘風立千丈虎蛟水咒紛騰逃
羣靈潛結萬蜃氣一痕未沒三山樹須臾勢盡潮亦止
波淡天清靜如綺菱苔沉綠紛塘坳螺蚌搖光散沙汨
參差島嶼羅殊域紛如星宿秋天裏擊我紉聽君歌有
酒不飲當奈何日主祠前水蕭瑟仙人臺上雲嵯峨羨
門高誓不可見秦皇漢武空經過祇今指顧傷懷抱黃
腸絳餅盡荒草人生快意無幾時明鏡朱顏豈長好吾
將避世女姑山不然垂釣蜉蝣島

周文矩莊子說劍圖

後有董宗伯
書說劍篇

古今人物畫手誰第一晉有衛協吳曹興南唐周生更
奇雋行筆瘦掣姿峻嶒此圖在世踰千載墨光黯淡生
光晶君王隱逸各有態蠶絲烟篆文迴縈日曉鬚突五

劍客短後之衣曼胡纓二人旁立目左顧劍如星日光
縱橫昂首右顧者三士二人按鐔神欲生一人拔劍作
虎步怒如截兕吞長鯨使筆如劍劍氣出此公無乃能
鐵兵莊生說劍固豪快十步千里無留行千年奇論佐
奇筆揮毫潑墨皆飛鳴雲間墨妙更道絕鍾王腕底紛
闐爭自云昔見吳興書說劍恨不作圖雙妙并今逢此
卷信神物又恨作書非趙卿徘徊三歎出金石煥然妙
蹟如神明我聞周生妙得後主作字法秋胡謝女風格
清泰淮花月汴京土感此傷人今古情

冬日偶然作四首

宣和御藏文經有秋胡
牧實謝女寫真等圖

太史下蠶室坎壈誰見知發憤傳貨殖千古同悲噫郭
縱出鑄冶翁伯起販脂灑削既鼎食胃脯亦連騎志士
守蓬蘿不如文馬醫索帶披敝裘不如規魚陂

我愛灌仲孺意氣薄雲天長嘯入吳軍指顧堅壁穿長
戟鬱龍蟠怒騎如風旋聲名冠諸侯皆曰丈夫賢魏其
勢既落田氏寵益專朝請考工地夕奪城南田丞相故
賓客顧盼忽屢遷笑罵顧四筵殊不直一錢當時膝席
子岌岌皆危冠

鄭季有孽子少小為人奴騎從平陽主給事建章居朝
拜大將軍封侯鉅徒遂復還尚主賜第耀通衢隴西
老飛將猿臂雄萬夫白首不得侯心折幕府書誰能對
刀筆臨風自捐軀天道有如此千古同欷歔

吾家有方平雅志託林壑拂衣早歸耕躬衣行採藥卜
築沃川墅垂釣上虞郭邈矣孔阮儔遐哉箕顓樂瑯琊
多龍鸞羨此雲中鶴

春不雨

西亭石竹新作芽遊絲已冒櫻桃花鳴鳩乳燕春欲晚
杖藜時復經田家田家父老向我說穀雨久過三月節
春田龜坼苗不滋猶賴立春三日雪我聞此語重嘆息
瘠土年年事耕織暮聞窮巷叱牛歸曉見公家催賦入
去年陽雨幸無愆稍稍三農獲要食春來穀賤復傷農
不見饑鳥啄遺粒即今土亢不可耕布穀飛飛朝暮鳴
春草作飯藜作羹吁嗟荆益方用兵

蠶租行

十解

丁酉夏有民家養蠶質衣釧鬻桑而催租急遂
縊死其夫歸見之亦縊王子感焉作是詩也

陽春三月時蠶子何蠕蠕三日出奩中五日偏蓬蔭

東鄰有少婦養蠶方一塢夜夜伴蠶眠桑葉恐不周

朝出南陌頭綺綺望桑柔亦不見桑柔堪子醉鳴鳩

啼來見蠶饑徘徊當奈何脫我耳邊釵鬻我嫁時襦

阿夫持襦去里正持符來漢中索軍租不得還顧私

里正且上坐黽勉具晨炊但緩一月餘蠶成賣新絲

新絲亦難賣新穀亦難收不見馬上郎雉尾紅錦裘

再拜謝里正丈人且旋歸鬻我嫁時襦脫我耳邊釵

蠶應黑瘦盡軍粗持底當痛哭視孤兒畢命朱絲繩六解
阿夫還入門不復見故妻生既為同余死當攜手歸十解

懷古詩三篇

畧仲連陂

七雄既龍闕陳寶鼎歲秦師出函谷關六國咸遠巡邯鄲日夜急咄嗟誰解紛蕩陰師既頓新行謀豈倫先生畫奇策長揖平原君僕妾愧萬乘大義明君臣縱橫數千言顧卻虎狼軍功成不受賞飄然歸海垠蹈海既高義肆志寧辱身至今齊趙士個儻希清塵我來古陂上遺祠蔓荒榛覽道竄蒼鼠天風吹白蘋緬懷田巴語景行跂千春

顏頡墓

末世寡尚志薄俗希乘軒豈不貴練帛形役神不全吾高顏夫子抗節藐齊宣鐘鐻寧更論殿上呼王前晚食與安步詎以榮利運監門良自賤趙士理亦賢俯仰二千載弔古悲荒阡墟墓絕樵採清風激顏頡古道邈難作悲哉東逝川

韓固里

漢初尚黃老儒術閭不章齊魯誕諸儒五經如載陽選哉清河傳卓為羣倫倡抵掌論湯武大義非荒唐曲學誠孫弘微言詒后蒼訓詞列學官星日同琅琅我生睽千載桑梓寧異鄉寤寐思哲人流風一何長生慙齊魯

學私淑附師佳

苦寒行

遠遊漁陽城飲馬滹沱河朔恒苦寒日夕風鳴悲悲風起廣塗霜霰凋人衣欲渡川無梁層冰何壘壘鳴枯楊豺虎交路衢深谷多棘榛得食歡相追我行歲既晏十步八九迷他鄉少親故相逢知是誰憂愁鏤肌骨自顧顏鬢衰俛眎飛蓬根隨風時轉移我獨久伊鬱歲暮空徘徊寄語後來人遠遊不如歸

梁曰緝為言輞川雪中之游

少志愛山水夢想懷藍田終南西峯下水石餘清妍憶昔維摩詰于此曾挂冠揮手謝時輩草堂常晏眠輞水遶舍下湖光明雲端繩牀間樂錯清齋日蕭然春鷗漸矯翼夏木紛綿羊時尋名僧會自泛湖中船嘆息古人沒風物隨變遷仙令妙文筆慨然追昔賢積雪曜巖阪秀色暖林巒數里入谷口石流已滅滅水鳥相哀鳴雙淀渺人烟却登華子岡輞水猶淪漣花竹散已久亭館供諸天王張香千載丘壑亦凋殘來者復為誰斯言良足歎

慈仁寺雙松歌贈許天玉

我昔登泰山舉手攀泰松東南雲海幾千里夜懸日氣開鴻濛山人出山已三載復見金元雙樹在攬驛石骨青銅姿古貌荒唐閱人代長夏蒼蒼秋氣深風來絕磴

蛟龍吟仙人五粒不可見但有玄鶴來往飛陰森蚺蟻
詰屈宛相向千曲盤擎氣初放一任支離拔地生那須
天矯排雲上我來高枕石壇邊耳畔往往聞驚泉白日
沉沉不到地飄然雷雨生空天煙色欲暝鐘復起雄談
岸憤波濤駛千秋萬歲知者誰聞海奇人許夫子

洗象行

水關蒼蒼柳陰碧寶馬流蘇紛絡繹日中傳呼洗象來
玉河波射珊瑚赤須臾鉦鼓千雲霄萬夫聲寂如秋宵
虎毛鬚奴踞象頂丘山不動何岩崑岸邊突兀二十四
直下波濤若崩墜縱橫欲蹴龍龜宅騰踏還成驚鶴隊
乍如昆明習鬪戰萬乘旌旗眼中見又如列陣昆陽城
雷兩行天神鬼驚奴子胡旋氣適壯忽沒中流狎巨浪
撇波一躍萬人呼幡然卻出層霄上今年丞相收夜郎
扶南盤況求王章遠隨方物貢天闕此然立仗金階有
聖朝自不貴異物致此亦足威遐荒黃門鼓吹暮復動
海立山移浩呼洵大秦師子多威神山林豈是天家珍

題趙澄仿王右丞羣峰飛雪圖

寒色冥冥下巖壑千峰萬峰雪初落瀑布無聲溪澗凍
紅樹微茫散孤閣閣中有客方纓袍當孟氣與蒼山高
遙看飛鳥落何處如聞落木鳴東臯崖橫路斷少人跡
稍見老樵下巖隙高低遠近一溪通晦明合沓千重隔
右丞昔日居藍田山水落筆窮自然雪岡漁市盡高妙

藥瀨歌湖紛眼前此圖曾入宣和譜重巨荆關焉足數
兵火相尋六百年玉璽金題幾更主雪江老筆妙入神
臨摹古本幾亂真即教唐宋多能手未必常逢如此人

傳侯天馬歌

傳侯天馬身八尺風鬃卓立雙瞳方赤毛朱翼信龍種
神姿磊落形昂藏來從沅沙涉西極玉山之禾偶棲息
意氣生能輕虎兕驍騰未屑循羈勒四蹄鳥爪如鋼鈎
經過千里風颼颼虎身壯士控不得仰脰闊闊浮雲愁
昔日湖南始征戰軍中驍驍號百萬此馬振鬣始一鳴
歎如天上驚雷電一從罷戰歸中原三年不復從櫜韃
漁陽落日下白草壯心更欲窮河源安得此馬飛上天
不須萬里遮窮邊即看郊祀陳天馬何減登歌太乙年

抱琴歌為鄭露作

嶧陽之桐何牂牁以五絃發清商一彈再鼓儀鳳皇
鳳凰不來兮我心悲抱琴而死子當告誰吁嗟琴兮當
知之

宣和御墨枇杷圖歌

盧橘蒼蒼橫幹起故印依稀識天水風枝雨葉不關愁
慘淡如披靖康史宣和文物劇風流流縵錦錦贈窮千秋
畫學歲收五嶽觀圖書盡識太清樓盛衰轉瞬如飛電
牟駝岡上紉刀箭紫筠花水摧為薪西風落日青城殿
此本流離出禁庭過江千載歎飄零昔日興亡如在眼

還同麥飯哭冬青

夜經古城作

我行牛山下寒墟帶平楚不見齊王宮
宮城半禾黍疎星耿不明白楊夜深語

南園二首

曉起思園林昨夜西堂兩負杖
眺前山初陽散平楚潒池萍始合
芳樹禽交語庭戶寂無人慨然念終古
夜雨襟花落衡門綠苔生誰能挹坐席
共作林下行圓荷舒午景茂林含夕清
歸禽斜照親駕此山楹

雨夜與禮吉叔子

高館多梧桐微雨飛向夕清談不能寐
入夜轉蕭索餘香歇幽幌暗蟲響
堦石夢破忽沉吟悵然越鄉客

與周量過訪茗文夜雨共宿

故人千里別春草萋已綠相思南雲端
目盡東海曲復作帝城遊乘暇慰幽獨
入門涼蟬鳴中庭多嘉木石徑生積陰
蒼苔宛山谷坐久微風來雨聲襟深竹
共有滄浪興復縱青山目良會誰能常
今宵得同宿

贈勞山隱者

何許藏名地秦山海上深半夜白日出
風雨蒼龍吟靜侶行道處不聞樵採音
清冷魚山梵寂莫成連琴曉就諸天食
暝棲蒼蘗林因知安居法一契無生心
我亦山中客悠悠悔陸沉

夜登燕子磯

渡江訪名山層巒到曉黑大江森欲動
浩浩千里色把炬石燕飛燃犀潛蛟匿
北望靈巖塔知是專諸邑悲慨下沾襟
此意誰當識

宿弘濟寺晚登觀音巖眺望

擊楫凌滄洲投宿招提境入門優曇香
聞鐘夜方高枕聽濤聲層軒抱江影
曉來微雨過紅葉滿高嶺憑闌見萬里
雲物殊清迥長山去蜿蜒上流壓江郢
海門控金焦蒼烟翳朝景信美睇山川
霸圖遍烟冷何如學無生抗跡雲峯頂

寄彭十美門

蕭寺鐘殘時燕山霜落夜對牀語清夕
流連不知罷落葉一紛飛離鴻遂南下
漱浦近青山依稀見君舍

半山愛子寒江落潮之句為作圖憑山題詩其上

和谷一首

我昨訪奇登燕磯潑墨深更遍巖壁捫
蘿附葛不知險夜踏空江欲崩石掀髯
作畫廢裘翁長歎題詩宛陵客何當結
屋圖中居卧看江天落潮白

吳季子祠下作

我行延陵城懷古心莞結讓德邈已遠
流風緬曩哲州來季當立高懷寧詎屑
躬耕表遐志亮哉子臧節慕義水無窮
宮碑字難滅所悲於潛後國亂相更迭
伍胥進

勇士專諸踐王血遜位固高義復命忍臣列春秋不名
賢書札理當晰嗚呼三代後斯風久淪絕廉節起頑懦
尚論義常竊竊紆思古人空祠颯寒雪

毘陵歸舟

泊船西蠡河解纜東城路涼月淡孤舟遙村隱紅樹香
香暮歸人悠悠渡江去

招隱寺

筍輿越黃鶴連岡帶平楚歷歷南朝松風吹落寒雨石
楠紅始垂沙泉碧方吐遂造戴公山風氣何清古山門
映殘照雙泉咽寒嶼玉蕊不復見空亭閑荒塢戴公昔
通隱風流照巖戶漱泉彈名琴東巡動人主清風一銷
歇初地留空宇金碧漸凋殘林壑自清舉蕭條黃葉落
寂歷幽禽語迴聞越涼吹經堂罷齋鼓細想刻中人蒼
茫久延佇

自招隱登夾山入竹林寺

簾輿俯高嶺石磴轉幽谷諸峯亂空翠澄江疊輕縠迴
望戴公宅秋氣益蒼蕭紺壁隱奇杉危亭蔽荒竹孤僧
遠獨歸山鳥暮相逐樹杪見古寺松栝散林麓絕壁尚
千尋紆迳非一曲初蠟阮公屐逝將訪金粟瞑坐竹林
深山山靜寒綠

竹林寺

迢迢夾山道幽幽竹林寺林公開山處泉澗饒古意鐘

磬聞諸天花藥覆平地森梢萬竿竹烟景滿空翠慈鳥
識禪心清猿起愁思平生江海情蕭然但高寄回首禮
白雲何時謝塵累

林阜和尚塔院觀林公泉

祖堂白雲裏岩峩俯林樾昔人不可見巖桂花猶發惟
有林公泉涓涓漾明月

海門歌

岷峨東下江水長遠從井絡來吳鄉奔濤萬里始一曲
古之天塹維朱方北界中原壯南紀魚龍日月相迴翔
中流一島號浮玉登高眺遠何茫茫長空飛鳥去不盡
江海一氣同青蒼山外兩峯遠奇絕雙闕屹立天中央
左江右海鞭雲氣如為八裔分紀疆江流到此一縛束
早潮晚汐無披猖燭龍曉日出雲海山光照曜連扶桑
年來海戍未停罷幾舸大艦來汪洋胡豆洲前起烽火
徒兒浦上披襁褓古聞京口兵可用寄奴一去天蒼涼
我願此山障江海七閩百粵為隄防作歌大醉臥巖石
起看江月流清光

上方寺訪東坡先生石刻詩次韻

昔出蜀岡道黃葉鳴秋蟬今來上方寺綠萼破春烟坦
步寶帶側延眺隋城巔古剎龍象寂殘碣蛛絲懸緬思
我嗜人文采真神仙贈詩日南使賓佐皆豪賢邈然竟
終古漱墨留春泉老筆欲飛動妙態殊便娟空堂響人

語怖鶴飛聯翩後遊慨今昔憑弔當同然寺有泉名第一

京江夜雪

揚子津邊揚片席暮角聲傳京口驛北風一夜江上寒
鴻鶴山頭雲幾尺去年曾上春秋樓蘆花楓葉當清秋
何當踏雪三山頂第一江山萬里流甘露寺有宋吳雅題
梅曰天下第一江山

丹徒行弔宋武帝

曲阿之北京口東寄奴王者真英雄新洲伐荻殺龍子
大業遂建丹徒宮桓家小兒亂天紀投袂動王夜中起
擄蒲百萬皆人豪龍行虎步非凡理從茲大運屬彭城
中原趙魏歸經營破口千軍五龍涸藍田一戰二靖平
南北推移幾千載太息雄圖竟何在宿麥寒原少昔人
神鴉社鼓成空塞王氣銷殘帝宅荒悠悠江水不勝長
忠臣徒歎秦開府天命還歸蕭建康

五人墓

流連虎阜遊宛轉山塘路石門映迴波英靈此中聚滿
壇松桂陰落日青楓樹生傷伍胥潮死近要離墓千秋
忠介墳鬼雄誓相赴酌酒拂蒼碑寒鴉自來去

自光福里入太湖口往聖恩寺

扁舟下西崦森森入湖口逶迤鄧尉山蒼茫具區數南
來仙靈窟袁墓號稱首銅井連青芝雲錦張左右七十
有二峯遙矚皆培樓貝闕敞魚龍金庭開戶牖仙壇毛
公蛻古笈靈威守名境秘聞見勝遊信非偶巖嶂時合

沓龍氣殊蚴蟉擊楫泝空明濯纓遠塵垢將采萬峰寺
半偈持茗帚

還元閣聽雨懷太湖

冥冥遙峯雨黯黯重湖雲萬竅急懸溜峒峒峒聽難分山
中梅信發香色方氤氳已蠟阮生屐將墊林宗巾身臥
百尺樓心憶五湖濱笠澤渺千里漁郎祿鷗羣園綺緬
匪遙逝當返吾真

雨中尋米堆山

僧樓鳴鐘鐘罷徘徊向山路遠眺米堆山蒼蒼積烟霧溪
澗富然深岡巒緬非故千重修竹林一徑江梅樹花香
上寒衲石流溼芒屨山霽接湖雲日夕自來去迢迢五
雲洞欲問誅茅處

自米堆山下行至上陽村錢家礪望湖中漁洋法

華諸山

杖策信忘疲行行畫圖裏崎嶇下雲巖蒼茫望烟水石
徑何盤紆疎籬照梅蕊寥落重湖濱柴門數家市居人
太古風但解數雞豕語我種植法敦樸有奇理雖非角
里儔頗謂桃源比逶迤到湖濱浩渺歎觀止震澤控三
江波瀾此方始法華表東隱漁洋正相似烟雨春空濛
峰巒暮似詭昨朝梵天閣遠眺如隱几豈知方丈山忽
落芒屨底欲乞五湖長垂釣將已矣

晚坐雨花橋看梅

寒湖望已遠迢迢暮歸寺修竹隱山門金碧眩空翠清
溪枕飛梁花氣增明媚綠萼紛紛競發翠羽時一至拈花
悟禪心作賦識仙意高低垂繖條明滅見湖次縹緲吹
笙人消搖布金地微微蓮華漏蕭然遠塵思

登光福塔望穹窿靈巖諸山懷古

昨登擅勝閣遙遙見湖濱聚沙矚高妙珠露高由旬山
趾理歸棹中流望嶙峋鈴鐸天際語獅象雲中蹲攬衣
造峯頂大千俯瞰塵悟彼解脫義得此清淨身名山繚
四隅出沒媚烟晨眺遠跡方遐懷古情猶辛采香已荒
徑菱歌尚含顰館娃一片石千載為沾巾迴身望胥口
落日悲孤臣

第二泉和潘翁韻

春山細雨三人俱藤笈親携桑苎書縛亭梵石幾年事
至今浣沼噴明珠山人形羶味道腴九隲不老將焉如
軍持銅鉢此生畢買田即倚芙蓉湖

木末亭作

曉登木末亭南望新林浦烟嵐紛四圍三山渺何許旭
日麗飛甍雲物媚晴澈風景在江山離宮半禾黍顧瞻
金川門悲來不能語惟餘博士祠正氣留終古

守風燕子磯

刁騷夜雨打吳櫓三日南風燕子磯安得滄波如匹練
便乘輕舸去翻飛長江巨石想飛動漁燈戍鼓相因依

栖霞咫尺不能到白下古城春又歸

憶虎丘鶴洲

清遠道士養鶴處人去亭空鶴不飛千古清冷一勺水
至今猶浸白蓮磯昔遊曾記仙靈語奇絕白雲翁欲歸
白雲翁欲歸青松忽
消半清遠道士詩也

和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花溼露啼宮鴉
厥盧曉汲銀河水黃奴慵起倚隱囊瓊枝壁月交輝光
貴人夾坐詩先就狎客擎牋歡未央玉樹歌闌方競媚
桃葉山前陳鐵騎青龍飛出建陽門羣鳥空呼奈何帝
可憐拂檻曉粧時入井倉皇那得知千載畫圖猶省識
石欄紅淚點胭脂

和吳淵穎題袁子仁巴船出峽圖

桃花夜汎三川水蜀中估船日千里錦官城外指東吳
萬里行當自茲始金牛玉壘向天開朝雲突兀瞿唐堆
飛流一瞬下萬仞長年屏息頗如灰峽中無人但煙霧
杜宇聲悲客行處已巫迎神歌竹枝忽見雲安郭邊樹
上峽懸撞下安流東風吹送江陵舟卻從一幅驚溪上
髣髴三刀夢益州

葉訥菴自吳中寄予長歌兼示金山見憶之作奉

答

昔者我登浮玉山大江駭浪流潺湲岷峨萬里在眼底

荆門郡樹浮孟間彭城蘭陵一朝盡令我慨歎愁心顏
此時側望天北極漁陽莽蕩連雄關玉堂美人侍帝側
兩年不見飛鴻翼海內憑誰論素心夢裏思君見顏色
蒼梧慘淡雲氣深九疑縣邈瀟湘陰重瞳南巡忽寂莫
園花陵草俱沾襟聞道高陵變深谷即看碧海飛黃塵
雲霄侍從幾人在飛蓬落葉愁春心夫子盛年何婉孌
日夕含香玉皇殿衆中獻賦欲凌雲御前騎馬如飛電
即今蕉萃百不如落拓江湖復相見吁嗟我人生遇合
亦偶然雄飛雌伏皆可憐不見東方曼倩號大隱金門
據地歌向天又不見開元天子盛文藻隴西王孫稱謫
仙調羹未罷夜郎謫至今青山采石垂千年君家况近
崑山麓二陸臺邊結茅屋放鶴朝從西康歸采蓴夜向
南湖宿感遇終懷國士恩憂時莫效長沙哭三山圖畫
一江分何日題詩共夕曛妙高臺上江如練南望姑蘇
是白雲

秋日題閨園水亭

南人習烟水結屋如舫居真州水多城市通樵漁一
溪納三江潮汐相盈虛茆亭碧溪上浦溆臨前除曉風
斷蒲響夜露幽花舒孤雲散天末好鳥鳴午餘緬懷華
林歎持此謝簪裾

後湖

同楊西印副使蔡齡若秀才夜登觀音山眺曲阿

我昨南渡登金焦鯨魚跋浪生風濤更上君山俯震澤
長江萬里窮秋毫五日探奇興不盡曲阿城畔來登高
觀音山高高百丈星辰羅列捫層霄懸崖絕磴挂猿臂
崇巖疊嶂森松毛山巔作亭瞰飛鳥湖光山色相週遭
練湖一萬六千頃勢與江海爭迢遙洲渚渚著古所歎
滄桑磨滅非前朝風景不異謝郎死我來憑眺凌寒宵
長嘯空山蒼山鬼驚飛鵬鵬求其曹滄波茫茫接元氣
有如孟水浮堂坳水夷擊鼓百靈集金支翠羽光飄搖
是時月黑風怒號萬弩突射錢塘潮蛟龍龜鼎時隱現
靈胥慘澹天吳驕高巖長山互鈎帶六州一氣迴斗杓
楊公斬黃昔開府坐清江漢真人豪蔡生白哲美無度
頗能飲酒歌離騷東吳菰蘆有君輩力鞭巨石驅神龍
練塘一勺好栖托結隣未卜心空勞酒闌歌罷意惆悵
烟江明日橫輕舸

九日與方爾止黃心甫鄒訂士盛珍示集平山堂

送方黃二子赴青州謁周侍郎

西風蕭蕭天雨霜秋高木落當重陽鷓鴣先鳴蕙芳歇
雁門鴻雁來何方今我不樂出行邁西城近對平山堂
歐公風流已黃土舊遊窳窳莫風烟蒼喬木修竹無復在
荒蕪斷隴棲牛羊劉蘇到日已陳跡况復清淺論滄
桑京江南望沅湯湯北固山高枕鐵甕蕭公旌旆何飛
揚雲龍直北雲茫茫彭城戲馬啓高宴至今邊朔傳名

章孤蓬驚沙振蕞薄哀螢蔓草經雷塘從來王霸已如
此牛山何必需衣裳與君並坐但鼓瑟醉倒聊復呼萬
壚樽前聚散死難必羽聲變徵何激昂明朝送汝望諸
澤欲趁桓公作急裝

登文游臺

玻瓈江上謫仙人東來萬里辭峨岷熙寧元豐不得意
翩然戲弄淮南春龍圖學士^{孫莘}忤權要祥符宰相餘王
孫^{王定}黃樓一賦軼屈宋無雙國士推^{蘇軾}秦^{少游}四公相逢
向淮海酒酣耳熱氣益振珠湖三十六陂澤高臺下瞰
何嶙峋錦繡詩篇照天地與臺光景長鮮新雲烟過眼
一飛鳥黃河曲注江東奔人民城郭半遷改此臺屹立
當湖濱惠州僂耳垂萬死後生望古傷吟冤何人請籍
元祐黨至今此顛慙安民豈如此臺好名字永絕狐鼠
芟荆榛我來遊眺歲幾度溪毛明信片古所敦速帆如鳥
樹如薈湖光雲霧相摩吞嚴冬沈澹但一氣大雪片片
鋪龍鱗^{公一語公莫嘆作詩一笑君應開}_{宋即坡公題太白像語}

過沁光湖懷古

嗚呼正德中屢豎陳皇綱華容既遜謫劉咸高翔談
笑誅刑餘臺閣資文襄逆濠脫神器弄兵下鄱陽勢異
北平順跡同吳濤狂桓桓文成公將帥皆龍驤義旗出
章貢攷童旋已止如何萬乘尊南巡來建康羅綺照江
水蛛蟻傾淮揚誰賡白雲謠載詠黃竹章旅湖兩駐驂

名因翠華長龍舸與鳳舳聯哉方未央膠舟古所戒遺
恨憐昭王事往二百年寒波但蕝將月暗津鼓急楓落
漁燈涼緬懷豫且歎弔古重悲傷至今秦陵樹松柏無
斧斨

夜過陳伯璣即別

聞君返西江嶠嵎歲將暮不知秋浦歸復此吳陵遇煙
暝失漁邨雪消數江樹惆悵聞荒雞別君立前渡

蘇門行寄劉公猷兼呈孫鍾元先生

劉生俠氣老不除腰間玉具纓曼胡目送飛鴻卧西省
畫夢秋水思菰蒲掉頭一竿清潁尾琉璃萬頃堆西湖
憶昨聽爾御風捧山泉扶溜松風呼黃鵠山頭一握手
戴公往蹟今有無山中舊約息壤在相看一笑言非疎
^{舊在京師晚公飛彈御風探勝詩有與君更作他年約黃鵠山頭訪戴行之句至當來相遇黃鵠山下此事甚奇}
波酒酣夜別黃公壚平山堂上望汝潁恨無好句追歐
蘇昔與汪^琬程^{可則}共築磚看君寫作蘇門圖怪石槎枒
樹蕭瑟醉墨絕似雲林迂彌臺鸞鳳儼在耳安知嵇阮
非吾徒聞君近散萬金盡便衣掃塔辭妻孥山中有鄰
德不孤蘇門先生今大儒夏峯峯邨邊看秋瀑雲中髣髴
開精廬尋源采藥去不返空留鳥跡巖間書廣陵西望
連孟諸倘逢樵叟一相訊山中服食今何如

覽湖舟夜讀渭南集偶題長句

少陵不作昌黎死大峨仙人落僊耳渭南老子來堂堂